



Broj : 10/E-11-4099/26  
Sarajevo: ~~02-07-2026~~ godine

Na osnovu člana 10c. stav (5) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Kabineta općinskog načelnika – Odsjeka za informatiku od 25.06.2026. godine, Opštinski načelnik d o n o s i :

## **O D L U K U**

### **o izuzeću od primjene Zakona o javnim nabavkama**

#### **Član 1.**

Od primjene Zakona o javnim nabavkama izuzimaju se usluge korištenja geoportala WebCity.

#### **Član 2.**

Procijenjena vrijednost usluga iz člana (1) ove Odluke iznosi 16.200,00 KM, a sredstva su planirana u Budžetu Općine Centar Sarajevo za 2026.godinu, kao i kroz Dokument okvirnog budžeta Općine Centar Sarajevo za period 2026.-2028.godine, na budžetskom kontu: 61915-55. JRJN: 48610000-7 Sistemi baza podataka.

#### **Član 3.**

Pravni osnov za donošenje odluke o izuzeću od primjene su odredbe Zakona o prostornom uređenju Kantona Sarajevo („Službene novine Kantona Sarajevo“, br. 24/17 i 1/18) i odredbe Uredbe o jedinstvenoj metodologiji za izradu planskih dokumenata („Službene novine Federacije BiH“, br. 63/04, 50/07 i 84/10). Navedenim propisima se reguliše oblast izrade baze podataka putem informacionog sistema. Usluge iz člana 1. ove Odluke će pružati Zavod za planiranje razvoja Kantona Sarajevo.

#### **Član 4.**

Ova Odluka odluka stupa na snagu danom donošenja i ista će biti objavljena na web stranici Općine Centar Sarajevo.

## **O b r a z l o ž e n j e**

Na osnovu zahtjeva Kabineta općinskog načelnika – Odsjeka za informatiku od 25.06.2026. godine u vezi donošenja odluke o izuzeću za usluge korištenja geoportala WebCity, Kabinet općinskog načelnika – Odsjek za javne nabavke predlaže donošenje iste. Procijenjena vrijednost predmetnih usluga iznosi 16.200,00 KM bez PDV-a za cijeli period trajanja ugovora.

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. (Ugovori između subjekata u javnom sektoru) Zakona o javnim nabavkama, propisana su izuzeća od primjene odredbi ovog zakona, gdje je definisano:

(5) „Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:

- a) ugovorom se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;
- b) ta saradnja uspostavljena je isključivo na osnovu potreba vezanih uz javni interes;
- c) ti ugovorni organi ostvaruju na otvorenom tržištu manje od 20% djelatnosti na koje se odnosi saradnja.

Predmetne usluge se mogu obezbijediti od Zavoda za planiranje razvoja Kantona Sarajevo, koji u svojoj nadležnosti pruža usluge izrade elektronske baze podataka, odnosno izradu web aplikacije za analizu i vizualizaciju prostornih podataka i prostorno planske dokumentacije.

Kako je Zavod za planiranje razvoja Kantona Sarajevo ovlašten da omogući pristup prostornim podacima Općine Centar Sarajevo, odnosno da osigura online i elektronski pristup podacima iz oblasti prostornog planiranja, pokreće se predmetna nabavka.

Pravni osnov za donošenje odluke o izuzeću od primjene Zakona o javnim nabavkama su odredbe Zakona o prostornom uređenju Kantona Sarajevo („Službene novine Kantona Sarajevo“, br. 24/17 i 1/18) i odredbe Uredbe o jedinstvenoj metodologiji za izradu planskih dokumenata („Službene novine Federacije BiH“, br. 63/04, 50/07 i 84/10). Procedura izuzeća će započeti danom potpisivanja ove Odluke, a Zavod za planiranje razvoja Kantona Sarajevo će dostaviti ponudu/predračun za nabavku predmetnih usluga, na osnovu zahtijevane specifikacije i sa istim će se zaključiti ugovor na period tri godine, počev od 01.08.2026. do 31.07.2029. godine.

Za praćenje i realizacije ove Odluke zadužen je Kabinet općinskog načelnika – Odsjek za informatiku.

Analizirajući predmetni zahtjev, utvrđeno je da su ispunjene pretpostavke za realizaciju navedenih usluga, odnosno da su finansijska sredstva za ove namjene obezbijeđena u Budžetu Općine Centar za 2026. godinu, na budžetskom kontu: 613915-55, kao i kroz Dokument okvirnog budžeta Općine Centar Sarajevo za period 2026.-2028.godine.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama.

Cijeneći prethodno navedeno donesena je Odluka kao u dispozitivu.



**Dostaviti:**

1. Kabinetu općinskog načelnika - Odsjeku za informatiku,
2. Kabinetu općinskog načelnika - Odsjeku za javne nabavke,
3. Službi za finansije,
4. Evidenciji